

Premijer i njegovi zamjenici moraju zajednički raditi

Visoki predstavnik pozdravio je današnju vijest da premijer i zamjenici premijera Federacije BiH planiraju održati sastanak u ponedjeljak, kada će razgovarati o metodama zajedničkog rada u cilju osiguranja funkcioniranja organa vlasti.

„Međunarodna zajednica neće imati razumijevanja za bilo kakav jednostrani potez koji bi mogao podići političke tenzije“, rekao je Inzko.

Nadamo se da će premijer i njegovi zamjenici iskoristiti sastanak u ponedjeljak da pokušaju pronaći zajedničko političko rješenje koje će osigurati funkcioniranje Vlade sve dok ne budu riješena preostala politička pitanja u Federaciji BiH, rekao je danas visoki predstavnik Inzko.

Tokom svojih prošlosedmičnih kontakata sa zvaničnicima iz Federacije BiH, visoki predstavnik je ponovio stav međunarodne zajednice da nijedna grupa političkih stranaka u Federaciji nije bez krivice koju snose za trenutnu situaciju, a oni koji su uključeni u ovu problematiku moraju se suzdržati od poduzimanja bilo kakvih dalnjih koraka kojima bi se mogla destabilizirati situacija u ovom osjetljivom političkom trenutku.